



**O'ZBEKISTON RESPUBLIKASI SOG'LIQNI SAQLASH VAZIRLIGI HUZURIDAGI
SANITARIYA-EPIDEMIOLOGIK OSOYISHTALIK VA JAMOAT SALOMATLIGI
QO'MITASINING**

BUYRUG'I

2023 yil. "29" 12

№ 81

Toshkent shahri

**Antimikrob vositalarga nisbatan chidamlilik tarqalishining oldini olish
chora-tadbirlari haqida**

O'zbekiston Respublikasida antimikrob vositalarning noto'g'ri qo'llanilishiga qarshi kurashish tizimini takomillashtirish, shu jumladan samarali profilaktik tizimni ishlab chiqish, ilg'or diagnostik usullarni amaliyotga joriy etish hamda bu sohada moddiy-texnik baza va kadrlar potensialini mustahkamlash maqsadida,

BUYURAMAN:

1. Respublika ixtisoslashgan epidemiologiya, mikrobiologiya, yuqumli va parazitar kasalliklar ilmiy-amaliy tibbiyot markazi tarkibida yuridik shaxs maqomiga ega bo'lmagan Antimikrob chidamlilikni o'rganish referens-markazi (keyingi o'rinlarda - Markaz) tashkil etilsin.

2. Quyidagilar Markaz faoliyatining asosiy vazifa va yo'nalishlari etib belgilansin:

bakterial infeksiyalarning etiologik tarkibida klinik ahamiyatga ega mikroorganizmlarning nisbiy ulushini aniqlash va qo'zg'atuvchilarning antibakterial preparatlarga chidamlilik darajasi hamda spektrini o'rganish;

mikrobiologik laboratoriyalardagi tekshiruv usullarini standartlashtirish va ularga sifat menedjmenti tizimini joriy etish bo'yicha uslubiy yondoshuv va tavsiyanomalar ishlab chiqish;

muhim ahamiyatga ega bo'lgan mikroorganizmlarning antibiotiklarga chidamli shtammlarining tarqalishini cheklash bo'yicha chora-tadbirlarni ishlab chiqish;

o'z vazifa va funksiyalari doirasida xalqaro hamkorlikni amalga oshirish;
mikrobiologik laboratoriyalar xodimlarining malakasini muntazam oshirib borilishini tashkil etish.

3. Belgilansinki, Markaz shtat birliklari Respublika ixtisoslashtirilgan epidemiologiya, mikrobiologiya, yuqumli va parazitar kasalliklar ilmiy-amaliy

tibbiyot markazi va klinikasining amaldagi shtat birliklaridan kelib chiqib shakllantiriladi.

4. Qo'mita raisi o'rinbosari (Q. Hayitov), Moliya-iqtisod bo'limi (S. Xurramov) Respublika ixtisoslashtirilgan epidemiologiya, mikrobiologiya, yuqumli va parazitlar kasalliklar ilmiy-amaliy tibbiyot markazi (B. Tadjiev) bir oy muddatda:

Markaz tuzilmasi, yangilangan shtat jadvallari hamda nizomini tasdiqlash uchun Qo'mita rahbariyatiga kiritсин;

Markazni zamonaviy talablarni hisobga olgan holda, qo'yilgan vazifalar samarali bajarilishini yuksak professional darajada ta'minlashga qodir bo'lgan malakali mutaxassislar bilan to'ldirsin.

5. 2024-2026-yillarda antimikrob vositalarga nisbatan chidamlilik tarqalishining oldini olish chora-tadbirlari dasturi (keyingi o'rinlarda – dastur) ilovaga muvofiq tasdiqlansin.


6. Respublika ixtisoslashtirilgan epidemiologiya, mikrobiologiya, yuqumli va parazitlar kasalliklar ilmiy-amaliy tibbiyot markazi (B. Tadjiev) dasturda belgilangan tadbirlarning ijrosi yuzasidan har chorakda Qo'mitaga hisobot kiritib borsin;

Qo'mitaning Xalqaro aloqalar bo'limi (L. Xujamberdiyeva) bilan birgalikda dasturda ko'zda tutilgan tadbirlarni amalga oshirish uchun xalqaro moliya institutlari va xorijiy tashkilotlarning grantlarini jalb qilish choralarini ko'rsin.

7. Qo'mitaning Axborot xizmati bo'limi (M. Saidova) antimikrob vositalarga nisbatan chidamlilik tarqalishining oldini olish, antimikrob vositalardan ratsional va to'g'ri foydalanish hamda yuqumli kasalliklar bo'yicha epidemiologik va epizootik osoyishtalikni ta'minlash bo'yicha olib borilayotgan targ'ibot ishlarini ommaviy axborot vositalarida keng yoritib borsin.

8. Mazkur buyruq ijrosini nazorat qilish rais o'rinbosari B. Kurbanov zimmasiga yuklansin.

Rais



B. Yusupaliyev

2024-2026-yillarda antimikrob vositalarga nisbatan chidamlilik tarqalishining oldini olish
Antimikrob chidamlilikni o'rganish referens-markazining
CHORA-TADBIRLAR DASTURI

№	Tadbir nomi	Amalga oshirish mexanizmi	Moliyalashtirish manbalari	Ijro muddati	Mas'ullar
1.	Antimikrob vositalarga nisbatan chidamlilik tarqalishining oldini olish bo'yicha mutavassilalar va aholiga tushuntirish ishlarini olib borish.	Markazdan foydalangan holda antimikrob vositalarga nisbatan chidamlilik tarqalishining oldini olish bilan bog'liq muammolarni yoritish bo'yicha chora-tadbirlar rejasini ishlab chiqish; Ommaviy axborot vositalarida antimikrob vositalarga nisbatan chidamlilik tarqalishining oldini olish bo'yicha maxsus ko'rsatuvlarni tashkil etish. Antimikrob vositalarga nisbatan chidamlilik tarqalishining oldini olish muammolariga bag'ishlangan xalqaro doiradagi konferensiya tashkil etish va o'tkazish; Antimikrob vositalarga nisbatan chidamlilik tarqalishining oldini olish bo'yicha yillik global informatsion tadbirlarda ishtirok etish.		2024-yil fevral 2024-yil martdan boshlab muntazam ravishda 2024-yil oktabr Har yili noyabr oyida	B. Tadjiev G. Abduxalilova M. Saidova B. Tadjiev B. Tadjiev L. Xujamberdiyeva

№	Tadbir nomi	Amalga oshirish mexanizmi	Moliyalashtirish manbalari	Ijro muddati	Mas'ullar
2.	Antimikrob vositalarga nisbatan chidamlilikning oldini olish bo'yicha epidemiologik nazorat olib borish milliy tizimini yaratish.	Markaz faoliyati uchun zarur bo'lgan moddiy-texnik vositalarni xarid qilish. Antimikrob vositalarga nisbatan chidamlilikning oldini olish bo'yicha bayonnomani ishlab chiqish; Antimikrob vositalarga nisbatan chidamlilikning oldini olish bo'yicha arxiv ma'lumotlar (milliy) bazasini yaratish; Bayonnoma asosida tuman (shahar) darajasidagi davolash profilaktika muassasalarining bakteriologik laboratoriyalari mutaxassislariga zamonaviy diagnostika usullari va bakteriologik tekshiruvlardan olingan natijalarni ma'lumotlar bazasiga kiritish bo'yicha seminarlar tashkil etish; Markazga sog'liqni saqlash tizimi bakteriologik laboratoriyalari sifatini tashqi baholashdan o'tkazish uchun malakani baholovchi provayder maqomini berish uchun uni ISO 17043 standartlari talablariga muvofiq akkreditatsiyadan o'tkazish va unda	Mablag' talab etilmaydi Jahon sog'liqni saqlash tashkiloti mablag'lari – 10 000 AQSh doll. Jahon sog'liqni saqlash tashkiloti mablag'lari – 5 000 AQSh doll. AQSh Kasalliklarni nazorat qilish markazi mablag'lari (tahminan 50 000 AQSh doll)	Moddiy-texnik vositalar uchun pul mablag'lari ajratilgandan so'ng bir oy muddatda 2024-yil davomida 2024-yil sentabr 2024-2025-yillar 2024-yil dekabr	Q. Hayitov S. Xurramov G. Abduxalilova B. Tadjiev B. Tadjiev G. Abduxalilova G. Abduxalilova

№	Tadbir nomi	Amalga oshirish mexanizmi	Moliyalashtirish manbalari	Ijro muddati	Mas'ullar
		sifat menedjmenti tizimini joriy etish.			
3.	Davlat tibbiyot muassasalarida antimikrob vositalarga nisbatan chidamlilikning oldini olish bo'yicha epidemiologik nazorat olib borish milliy tizimini bosqichma-bosqich joriy etish.	Davlat tibbiyot muassasalarida antimikrob vositalarga nisbatan chidamlilikning oldini olish bo'yicha epidemiologik nazorat olib borish milliy tizimini bosqichma-bosqich joriy etish rejasini ishlab chiqish; Milliy tizimga o'tgan tibbiyot muassasalaridan antimikrob vositalarga nisbatan chidamlilikning oldini olish bo'yicha ma'lumotlar yig'ilib, Markazga taqdim qilinishini ta'minlash.	Mablag' talab etilmaydi Mablag' talab etilmaydi	2024-yil mart Doimiy ravishda	B. Tadjiev G. Abduxalilova
4.	Antimikrob vositalarga nisbatan chidamlilikning oldini olish bo'yicha xalqaro epidemiologik nazorat tarmoqlarida (CAESAR, GLASS) ishtirok etish.	CAESAR va GLASS tarmoqlari yillik hisobotlarida ishtirok etish.	Mablag' talab etilmaydi	2024-yildan boshlab har yili	B. Tadjiev L. Xujamberdiyeva G. Abduxalilova
5.	Antimikrob vositalarga nisbatan chidamlilikning oldini olish bo'yicha ilmiy-tadqiqot ishlarini amalga oshirish.	Mavjud vaziyat va tendensiyalarning tahlili asosida ilmiy-tadqiqot ishlarining ustuvor yo'nalishlarni belgilab olish; Ilmiy-tadqiqot ishlarini amalga oshirishni moliyalashtirish.	Mablag' talab etilmaydi CDC, JSST, FAO va boshqa xalqaro	2024-yildan boshlab har yili 2024-yildan boshlab	B. Tadjiev G. Abduxalilova B. Tadjiev L. Xujamberdiyeva

№	Tadbir nomi	Amalga oshirish mexanizmi	Moliyalashtirish manbalari	Ijro muddati	Mas'ullar
			tashkilotlarning mablag'lari	har yili	G. Abduxalilova
6.	Antimikrob vositalarga nisbatan chidamlilikning oldini olish maqsadida sog'liqni saqlash sohasida infeksiyalardan ogohlantirish va nazorat qilish tizimini takomillashtirish.	Infeksiyalardan ogohlantirish va nazorat qilishning amaldagi, shu jumladan tibbiy yordam ko'rsatish bilan bog'liq bo'lgan tizimini baholash; Antimikrob vositalarga nisbatan chidamlilikning oldini olish uchun infeksiyalarni profilaktika va nazorat qilishga oid normativ-huquqiy va texnik jihatdan tartibga solishga oid hujjatlarni takomillashtirish.	Mablag' talab etilmaydi Mablag' talab etilmaydi	2025-yil yanvar-iyun 2025-yil iyul	B. Kurbanov B. Kurbanov
7.	Mutaxassislar uchun antimikrob vositalarga nisbatan chidamlilikning oldini olish bo'yicha seminarlar va o'quv kurslarini tashkil etish.	Antimikrob vositalarga nisbatan chidamlilikning oldini olish bo'yicha zamonaviy talablar va xalqaro tajribani inobatga olgan holda tibbiyot xodimlari, veteranariya vrachlari, farmasevtlar uchun seminarlar tashkil etish; Tibbiyot xodimlari, veteranariya vrachlari va farmasevtlar uchun antimikrob vositalarga nisbatan chidamlilikning oldini olish bo'yicha o'quv kurslari tashkil etish.	Jahon sog'liqni saqlash tashkiloti mablag'lari – 5 000 AQSh doll. Jahon sog'liqni saqlash tashkiloti mablag'lari – 5 000 AQSh doll.	2024-yildan boshlab har yili	G. Abduxalilova G. Abduxalilova